

鑑

止

水

齋

集

鑑止水齋集卷三

德清許宗彥

詩三

贈別林明齋秀才

浚

吾愛林君器識純  
五年來往最情親  
嵇生一語堪持贈  
能盡雅琴惟至人

海中仙果遲生子  
傍有碧桃花放初  
何日鼎爻占一索  
不辭遠寄弄麈書

六月廿四日侍大人自粵東歸里畱別雜詩

二十首

南武山川縱目餘  
官齋清絕似郊居  
臨行料簡隨身

金上ノ方多矣三  
篋差幸會無官紙書

昌華院已成街市不獨朝臺故址荒霸氣銷沈山翠  
冷幾回憑弔馬鞍岡

昔年曾謁將軍廟空憶瀧碑載水經惟有訶林雙塔  
字揚歸試配景鐘銘

鎮海飛樓入杳冥蚪檐千尺俯流星裊瀛一覽齊州  
小海氣天容萬里青

舊聞越望枕禺山遺址仍看碧瓦環羃歷人烟浮檻

外翺飛仙鼠滿梁間

署後有紫福樓  
蝙蝠以千數

亦園亭榭頗幽潛笙竹成林翠滿簾馴鹿養茸行避

樹幽禽將子暮棲欄

劉王花塢近城隅曲港沿洄映竹蒲銷夏輕舟同謝

客臥看放筆寫橫圖

謝觀生號退谷畫甚有法

歌舞岡頭菊滿觴憑闌橫挹九秋光羣賢不分如雲  
散嬾向寒坡看夕陽

黎簡三年不入城短詩往往說離情花枯月黑誰能

道不數文溪李昴英

別後花枯月黑二樵詞也

曾與成連海上期天風肅肅逼哀絲不圖妙手逢今

世一曲何成靳孝尼

林秀才浚

古心古貌屠之震起舞中宵踏甕穿可憐爲人好心

事幾時辦得橐中錢

城西洋市十三家面水軒亭一帶斜時有畸人談理  
數誰能往學費西加

沙貝船來六月中開顏一笑解筠籠山枝安得論園  
買移種清溪老屋東

二月黃花八月梅南方卉木信奇哉小庭隨意栽成  
樹時有收香么鳳來

聞說羅浮素月仙吟詩時降玉壇前羨他鳳子輕來

去有約何曾到洞天

諺云有約不到羅浮

摸魚子歌聲宛轉萬花樓髻影依稀而今去聽吳娘

曲暮雨瀟瀟遠客歸

花艇沿隄醉落暉潮痕欲染酒人衣一天豔思空無  
着撩亂紅棉傍客飛

最是今年暑氣輕闌風長雨過初庚江山有意遲歸  
榜秋漲連天未肯平

鷺潭盡處接紅霞迴望高城海氣遮惟有多情雙塔  
影送人直過素馨斜

大通橋外抹寒煙五度維舟別夢牽最是銷魂西去  
路暗潮隨月上葑田

江漲泊舟南岸口占

莊子外篇秋水揚乎遺跡河南十日維舟悶坐炎蒸  
未伏難堪

飄風定不終日依舊水雲滿湖沙面紅燈似火遙聞

夜半歌呼

時逐船妓不一日而弛禁矣

番客夏還蠓鏡閒殺家家露臺忽見紅旗高颭爭傳

港角船來

洋市每一船至則舉一旗船大者爲祖家小者爲港角

北水西江齊漲東來千里奔淙力敵海門潮上夜深

閒鬪魚龍

自三水至韶州三首

榜舟侵曉發日上明通川暗潮壯水腹滂沱欲黏天

秋潦既太甚龜鼃滿中田茅屋似浮萍遠村無人烟  
渺瀰望無極秋氣澄空鮮南風飽帆翼健疾過飛鳶  
長年輕波濤箕踞聲喧然午飯晷未熟皮脚中流眠  
逶迤入尋峽奇景悅心目翠巘盤層雲澄流貯寒玉  
交嶺覆深陰迴波抱空曲向背迷東西沿洄互南北  
孤圓絕壁竦環合兩崖觸渟泓影屢鑑演漾髮可沐  
松孕石氣青竹媚水光綠弭櫂倦暮情登峯興遠矚  
試採黃獨苗追求羽人躅

舟行泝連口日夜奔濤寒石利龍頭埂浪險鼈背灘  
牽挽亦云疲路斷時復還谷暗驚禽飛林密騰猱攀



野竹半臨水荒村多在山樵稀畏狼虎蹊逕盈榛菅  
連峰一何峻黃茅蔽巘岼對此客懷惡太息行路艱

胥江

胥江潮信斷新漲沒城灣村暗青旗卷沙明白鳥還  
風聲多在水雲意欲藏山笑爾浮沈石終年不得閒

漫興

筠篷小拓露晴光每一峯過翠滿牀風擁亂雲歸遠  
嶂虹收斷雨放斜陽江流湛湛青楓暮秋氣蒼蒼白  
露涼天外故人相憶否十年蹤跡滯炎方

一夜西風秋思深銷磨歲月付閒吟看雲出岫牽離

思聽水奔流激壯心  
叔子臺荒斜照冷  
尉佗城圯亂峯陰  
可堪三峽蒼蒼路  
幾度登臨直到今

觀音巖用趙宮允刻石詩韻

峭壁拔地起鐘乳  
半空滴陰洞風森  
然停午爨燭入石  
磴上巖坳豁訝佛  
廬闢金容示寂定  
不動香雲直暗泉  
滲淫流草木盡寒  
色直下俯危闌倒  
影涵江碧躡虛難  
久畱譎怪詫胸臆  
歸舟聞梵聲琅琅  
答漁笛

阻風黃家渡

朔雁橫空邊飛急  
北風三日吹江立  
駕天高浪天爲低  
氣母茫茫天水襲  
驅雲成霧霧成烟  
力滿中邊隨

處給遙傳戍鼓遍江津片片征帆墜秋葉天吳起舞  
魚龍懾萬丈洪漣任噓吸欲捲長川入海空忽排遠  
勢連山岌馳驟金戈鐵馬寒翻騰白艸黃茅濕危堤  
一曲隱驚湍重碇危檣相戢昏夜來淡月窺簾入照  
見行人類冬蟄寒燈落穗眼時翳村酒沾唇味尤澀  
連朝傲溷意不愜咫尺奔流難可涉何當變化學鯤  
鵬萬里搏扶矜巧捷

樟樹鎮

樟樹鎮章水茫茫向東去猶有登壇慷慨聲曾是文  
成誓師處瀨頭山賊亦已平欖槍夜動潢池驚薰天

逆焰連禁庭長江浪沸鯨鯢腥刺閩有令遞警報倉  
皇小艇行收兵攻梁吳濞師先老至洛條侯計早成  
兩三太守儒生耳部勒嚴明誰得似移軍一戰蕩湖  
氛縛取強藩如豎子曲突方知賴本兵親征忽更傳  
中旨仍煩天子作將軍幾使功臣爲道士不解當時  
果何以紛紛愛續貂璫尾宰執偏慳五等封言官爭  
論兩廡祀吁嗟乎旂常俎豆自千秋浮議空多隨逝  
水

自七里瀨至富春二首

秋雨吹蕭晨山山隱寒霧美人隔窗紗低鬟時一露

金上ノニシシ三  
瀟瀟平江潮濛濛遠村樹裊裊烟中竿泛泛波間鷺  
卽景無近情諧心得遙悟臥聽鶻聲柔沿洄不知莫  
朝過七里瀨暮及富春郭山水清且妙懷抱澄斯廓  
緬懷青松蔭永矢白雲諾勿作圖畫看相對意落窳

紅白桃花

香桃瘦骨最伶俜白白紅紅傍曲櫺  
季女宜頰復宜笑息姨時醉亦時醒  
春光人面迷塵夢落日微風泥  
漢廷那得胸無丹白想不言坐對兩娉婷

和虛照上人

風雨來未已農事憂田家夜來占星氣  
不見明匏瓜

今朝稍清霽屋角露晴霞轉眼忽春暮魚眼烹新茶  
得林明齋書却寄

春江聽曲有遊魚銜得南來尺素書荆棘雖生師法  
在水雲渺渺更愁予

舊時梁孟幽棲地依約遙峰似髻鬟見說顰眉長不  
展嫌郎學畫劒鉞山

匣中冰蘭

匣水寒凝五夜風無端鏤刻費神工殘膏畱影抽新  
萼素彩浮春幻玉叢凍纈曾沾吹氣馥幽香旋入冷  
光融有人呵筆偷新樣定訝宵來吉夢同

三家店題壁

暮市斜挑酒旆青  
逶迤風色到都亭  
莫言土銜難安枕  
多少炊梁夢未醒

任城曲

行雲不掩秋河高  
虛帷夜靜明蘭膏  
美人窈窕奏微步  
入門流眄顏如桃  
娛君清聽開君抱  
宛轉爲君彈側調  
柔情只許曲中傳  
餘音漫向梁間繞  
玉漏迢迢夜已深  
雙棲碧樹羨文禽  
已教閒却傳杯手  
更遣銷沈夢雨心  
不知今夕定何夕  
荒荒澹月無情白  
年年長定不相逢  
那料相逢不相惜  
身非姹女工數錢  
口

雖不言心自憐官街人靜獨歸去鬢輕袂薄愁寒煙  
西鄰歌舞正未歇百萬纏頭一笑直攬鏡重將妾貌  
看固應不減流輩色妾自傷懷妾自知強顏還被旁  
人嗤謝他女伴來相勸苦道妝梳不入時君不見運  
去黃金不如瓦青天尚有姮娥寡千秋庶一遇知音  
敢望悠悠行路者

題張真人峴泉讀易圖

我昔曾聞廿四巖仙都奇詭隔塵凡巖中泉脈滋瑤  
草巖外雲霞護玉函玉函樞簡青華府代領元門襲  
簪組嬾將祕籙役天官獨玩陰陽究三古前人於此



悟參同後妙重看相接武泉影山光小築偏草堂丹  
井自年年通靈夜夢吞三畫坐石晨朝手一編神鹿  
銜花長聽讀羣真授簡已忘詮本來易理該三極柱  
下發揮成道德蜀都徵士魏郎官會通了不分區域  
卦演先天世盡疑圖翻三五人難識想對仙山如此  
閒定應妙解隨時得餘情爲遣寫橫圖松竹清娛興  
永孤西源洞口雲封樹機杼峯前月滿湖披圖指點  
讀書處福地蒼蒼在煙霧漫勞蕭氏送將看題詩那  
有監丞句

元陳旅有爲蕭氏  
題龍虎山巖圖詩

題某僧馴獅圖

蟪蛄思盜法奮迅畏龍力何來百獸王帖耳圓蒲側  
擾之以無心嗒焉喪知識松風謾然來彌空帝青色

題家青士

乃濟

詩草

吾宗蘊神秀早歲以詩鳴欲作傾城色羞爲捉鼻聲  
湖山方養性圖史足持情亦有飛霞佩期君汗漫行

題胡雒君

虔

廬山見面圖

我昔北上由尋陽微風落日江天長連峯瞰江蕩金  
碧飛雲吹落沾衣裳渡江道出樅陽縣有客聞名初  
見面袖裏新書述古文遠論敷淺追班掾惜未同君  
策杖登永源山脈訪明徵誰言九派存空理漫向蒲

亭認歷陵疑義紛紜亦何有名山回望徒搔首當時  
傾倒釋山人聞道聲華滿人口二月臨安花半城東  
風吹棹過錢清舊交樽酒樂莫樂悵望烟霞情復情  
多君早遣橫圖寫悄然移我宮亭下屬我題詩非偶  
然知我曾經識面者由來勝地難躋攀匆匆過客嘗  
不閒山靈應笑塵中士但說山經不入山

胡雒君環山小隱圖

環山小隱者雒君九世祖參議君之別墅

巖阿畱小築祖德貽清芬風尚逸相屬棲隱懷其真  
精舍既窈窕古柏猶蒼蒼林迴白雲合瀑落蒼崖分  
春秋咸可悅旦夕怡心神理愜境彌適道遷慮空存

夫君名下彥待聘席上珍方期奮鱗翼豈肯甘沈淪  
圖書結遠想用意追前民遺榮俟他日高覽謝世紛

晉永平甄歌

近來名人好金石記錄有過歐趙洪蘭池上林瓦當  
字遠索漢殿按秦宮千年入土晦蝕久時來爭吐光  
如虹長林豐草不敢蔽况乃咫尺藩籬中桐城胡虔  
示我晉甄八一一膚理堅于銅問從何處得此物云  
自行省之府薇堂東剗苔剔蘚睹遺字正書蒼勁筆  
力雄當時師尚畧可數毋乃韋誕索靖司徒鍾永平  
者四永興一其二譌損字畧同度以周尺崇過半厚

三之一視其崇駢羅几案良可竇繡質斑剝難磨礧  
濯以錢湖之水清泚泚照以吳山之月涼溶溶令人  
思古發幽衷典午往事雲烟空欲訪舊蹟嗟無從元  
康易號良草草短青顛制悲孤公琅邪淳耀已潛兆  
吳會物力方殷豐如斯陶製亦不惡想見傑構高穹  
窿虔也論古有深識載籍貫串便便胸暇日試尋千  
寶論摩抄殘箋話南風

題宋荔裳先生遺照

萊陽幽繫日熒火賦曾傳晚怨關山月驚心蜀國弦  
詩名畱衆口風尚邈當年想見高吟處蒼苔鎖綠烟

題明魏忠節公及孝烈先生像

緋袍肅秋霜憂國義形色青衫黯愁雲憂親淚沾臆  
生綃尺幅間光岳氣所塞堂堂太常公大節炳簡墨  
爲學能得師居官能盡職軍刑惡寬縱恩卹裁濫冒  
時當勝國衰奄豎禍尤亟蛙黷盈朝廷朋黨相鉤棘  
深維社稷計思竭股肱力抗疏繼同官危言攻巨慝  
王聽何不聰貝錦一朝織險圖密已構酷害遭此極  
天迷紂絕陰日向幽都匿難消怪哉冤甘作敦腴食  
孝子隨其親欲救救不得吉翬志未伸王裒痛沉逼  
哀哀苦塊中慘慘傷心盡巫陽爲下招捐生赴親側

忠孝萃一門帝使名教植千秋魏塘水過者猶太息  
沈魏爾何人百計爲鬼蜮雷平及點將意在亂白黑  
人心定難欺天道亦易測追旌典旣殊配祀禮還飭  
流芳貽後嗣祖德共矜式風貌凜然存英靈如可卽

雲棲寺禮水陸道場

密竹幽蹊曲到門山如獅座奉慈尊巖崖櫛比僧房  
小吳會雲趨法供繁行樂龍天增智力聽經神鬼釋  
煩冤靈風肅肅虛壇靜一片烟光颺玉旛

日散諸峯碧靄分香臺深護妒羅雲六時梵唱林間  
出終夜泉聲屋裏聞捨宅檀家因扈蹕開堂尊宿本

儒巾我來飽喫齋厨飯  
孌情真慚策進文

悼亡姬

經年咳逆藥無功  
怯喘猶延一月中  
最是寸心難死  
甚至今側耳尚怔忡

一絲幽恨感人天  
小住年華錦瑟弦  
長別如何催速  
別直教腸斷贈行禪

記得來歸十四時  
居然婉孌抱幽姿  
挑燈硯北垂垂  
立可爲而今費夢思

將衽持牀盥奉槃也  
隨大婦博慈歡  
高堂一例相憐  
汝不作尋常婢妾看



柔和最得女君心妝閣依依愛念深誰料悔生江汜  
外鴛幃相對淚雙禁

窮門衰薄況天涯付託雖真意恐賒瑣瑣諸男成立  
否可能方幅遇卿家

折枝體奕錦衾韜難得炎天急雨線壞色歸空仍不  
壞忍看瘦骨似香桃

碧藕紅菱盡熟時招魂爲酌酒盈卮歸來莫向梅關  
路更御罡風采荔支

小小窗紗映月西常時羅袖掩簾犀黃昏瞥見淒迷  
影一點疏燈透幕低

明識風輪瞥眼過難將慧刃在心磨  
水流花謝歸何有愛海空添一滴波

泰安州

岱嶽鍾神秀巖巖百里同雲能雨天下位亦冠三公  
斗極瞻維北坤維奠自東眼前青不斷方信杜詩工

峒山店

邱壑抱微尚見山雙眼明茲峰况奇秀草木自天成  
石古苔痕淨松高霧氣清相看一飯罷馬首又南征

村店

小橋流水帶斜暉三兩人家半掩扉  
貪立松陰看月

上不知涼露忽沾衣

放歌行

東方未明殘月落  
櫪馬長嘶亂秋鐸  
披衣出門仰視天  
太白一星光作作  
客子遠遊亦何樂  
飲河難洗胸中惡  
固知報國非文章  
迂儒正復遭嗤薄  
古來良史推馬遷  
費盡心思傳衛霍  
問渠待詔甘泉宮  
何如贊像麒麟閣  
人生事業應有託  
祖生常恐鞭先著  
要當上馬擊賊下  
馬作露布無爲褒  
衣大詔終歲長落  
度

沂州道中

茅屋依林住水東  
遙山青入白雲中  
馬蹄似戀秋光

淨緩踏平沙步更工

清江浦

行人千里上吳舫潮正生時月正高欲寄秋心與明月一時飛渡廣陵濤

晚過平望

湖平風小片帆柔蒹葦蕭蕭兩岸秋涼露沾衣渾不覺滿身明月坐船頭

詠史

江左風流有定評少年裙屐總知名英雄枉說桓宣武却被旁人喚老兵

大觀臺眺望

偶策吟筇曲磴攀桂香引路遶彎環江湖映帶平分  
眼烟井參差直上山晴久雲肥多散纈秋深石瘦欲  
藏斑斜陽過樹遊人散徒倚空臺看鳥還

去歲十二月初七日生女延釐秀慧殊絕今年

自都中還越十日而女殤八月廿六日也以

詩哭之

罡風吹空花偶呈塵中株一朝從風去誰能留斯須  
自從生汝一月餘汝爺北去遊燕都孤燈搖搖馳遠  
望家書批尾多憐渠歸來見汝抱汝笑安知汝已魂

離軀尋方買藥百不效腸斷終夕牀頭呼家人數汝  
慧慧絕衆所無學語強人聒學行強人扶愛書時掉  
弄愛墨常沾濡指顧解人意眠坐皆歡娛睂疎月朗  
儼描畫玉爲肌骨花爲膚旁人見者還嘆息嘆汝豈  
是人間雛那向死後示神怪鼻端氣吐雙明珥女歿  
隔一  
時許兩鼻垂  
玉柱半尺餘得毋仙人偶下謫一念自悟歸其廬汝  
娘十載乃字汝寶護何啻衣中珠經旬不寐視汝疾  
恨不生死與汝俱汝生無情死無戀忍使汝娘雙眼  
枯偉哉造物安用汝鼠肝蟲臂眞區區祿衣花帽斂  
營魄形影就滅空嗟吁猛持智刃割愛網癡念未免

猶縈紆夢幻苦被天公愚  
嗚呼夢幻苦被天公愚

水仙花

新水徐傾祕色鬢綠雲一簇捧冰卮  
夢迴隱几尋常見日影明窗分外遲  
自有珠宮圍夜月誰將商調韻  
哀絲詩人黃九真無俚更憶蛾眉澹掃時

玲瓏千葉漫區分此種仙姿迥不羣  
翦水生涯原似雪凌波愁思莫爲雲  
娉婷小影風前立淨妙空香定際熏  
一任梅花窗外放謝他霜月白紛紛

文石冰苔位置宜圓沙細瀉水泉滋  
疎花澹墨王孫筆玉潤金明幼婦詞  
六曲闌干迎日映三間簾子背

風垂空齋那有瀟湘意爲爾平添一段思

雲棲澹足居作三首

出郭秋氣深萬象露清警循江渡漲沙攀石陟雲嶺  
草樹旣蒙密田塍復秀整寒陰翳薄莫竄篠通靈境  
前行得空亭徑曲趣彌永修篁緣坡高流泉濺衣冷  
泠泠激遠響娟娟弄疎影雲藏寺門幽雨洗崖垠淨  
一聞上界鐘塵心發深省

襖被宿僧寮心清愛遙夕鳴泉過屋山濕翠罨窗格  
初陽散林間涼影一峰碧梵課發妙音聞者皆暢適  
蓮池雖云遠願力彌空隙期諸有情流安隱出火宅



圓觀示中道三界了不隔斯人不可聞迷塗誰更關  
稽首瞻遺容悠悠我思積

山中秋日短小住遂經旬齋廚飯蔬食禮佛隨衆勤  
懺除先意業智慧慚前身緬懷天人師闡茲淨土因  
衣珠寧有假葉金詎非眞摩尼光自照寶此萬法尊  
燕坐寂羣慮烟霞夏朝昏夢隨雲出山僕夫晨在門  
泉聲如送客竹影還依人何爲入塵市擾擾勞心魂

竹徑

夾道修篁淨清涼佛地秋筧通泉水活山抱寺門幽  
過雨沾空翠涼煙澹不收意行貪徑好欲到更遲留

孟冬月夜返德清舟中作

水氣浮天月波濕月底疎雲吹欲活善慧仙人散寶  
華飛來朵朵空中立小舟浸水復浸月扣舷一聲天  
地闊我欲凌空濛去訪浮邱公三山縹緲望中見神  
風引去無畱蹤我欲謁貝闕閶闔排天風九關虎豹  
森羽衛素娥一笑何由逢洞天三十六福地七十二  
算來只合住人世名山尚待買山錢五湖直作浮家  
計餐沆瀣飲飛光烟霞爲佩風水爲裳一壺清濯魂  
魄澹萬斛淨洗胷襟香弊衣忽脫寶珠露湛然與月  
交光芒波心天上共一印冷照人間塵土場

題黎二樵五百四峯艸堂詩却寄

百年論風雅俎豆王與朱邕和清廟瑟明靚傾城姝  
俗士忌自立好學邯鄲趨粉黛飾村媪靡曼誇吳歛  
何人善變闢風格近數禾中少宗伯海內賞音誰最  
親獨有嶺南黎簡民

二樵論詩最膺服錢少宗伯

簡民爲詩苦用

心虛空欲著斧鑿痕眼前常景入句裏百思不到一  
字新頗訝肝脾與衆異中有萬古騷人魂幽蘭泣露  
荒山寂翠袖啼寒修竹昏空潭千尺碇月影危崖一  
線牽雲根仙才鬼才兩不讓島瘦郊寒未足論憶昨  
天南共歡燕一杯九日交酬勸迴腸中酒念離別翻

畏細談增繾綣別來今已幾何時欲往從之阻且遠  
一紙書憑萬里傳報章又隔三年見見來喜極開緘  
籛巨編突兀照眼明挑燈細讀字欲活彷彿對面聞  
哦聲卷終掩卷起太息太息故人頭已白側身天地  
一儒巾憔悴花村病掩門兩肩寒聳眼如鶻苦吟還  
被旁人瞋文章工拙自有真可憐毫髮窮精神起家  
詞賦非無人朝爲儒生暮要津楊雄寂寞不自惜更  
思後世生子雲

觀宋高宗賜岳武穆札

嚴子清晨過我齋錦軸新裝攜在手云是思陵御書

札岳王廟裏流傳久肅然起立開卷看彷彿神光動

窗牖龍文欄紙色枯澹字迹半昏猶可剖三年之喪

固通禮反經行權古所有練兵襄陽窺中原慎勿一

日離所守

札中語

末題紹興年月日皇帝之書賜岳某

是時朝稱小元祐恢復勢蓋十八九

用朱子語

外分諸帥

控淮楚內用趙張相左右京西九重上流寄岳家軍

勢莫敢狃韓吳同日拜新命檢校三公印如斗

據北盟會

編要經難爲人子情一旦棄軍奉靈輒魏公上請降

御筆

見張魏公行狀

敦勉還屯唯恐後卽觀此札意勤拳君

臣寧不相知厚若使推心保始終幾何不飲黃龍酒

正人亦復能敗事大將從來多掣肘纔聽鑿兵過伊  
川旋看徒步歸廬阜都督府罷德遠貶淮西軍亂鄺  
瓊走戰機一失不可再過拂忠言是誰咎坐使官家  
厭兵事主張和議任羣醜以忠盡孝竟何補感憤徒  
滋後人口滄桑屢變恨難平一紙猶存洵非偶孱王  
翰墨固自工筆法依稀雙井叟英雄血淚漬當時墨  
氣千年蝕深黝摩挲不敢展臨風恐化蛟龍晴晝吼

題袁又愷

廷禱

歸硯圖

硯有袁清  
容款識

紫雲淡貯墨痕圓爲誦清芬五百年幾費摩抄修史

日

清容與  
修三史

著書重付後來賢

一泓光氣透簾疏作伴齋中萬卷儲他日倘容窺著  
目濡毫乞與寫新書 清容有袁氏新書目又愷藏書  
最富故及之以為一瓿之約

題汪季懷瑜天潛小隱圖

百年邁軸憶新安大好家山畫裏看天與詩人充供  
養一層雲護一層巒

自來臺尚惟耽隱豈有宗雷肯溷塵莫問幾時婚嫁  
了先從粉本乞閒身

漫將懷舊費吟哦放眼青山處處多喚作天潛聊寄  
與蘇家眞里是無何

玉印方寸篆曰周生得自黔南山中佩之十五

年矣今春忽失去後三月蹤跡得之喜而有

作

玩物喪志聖所醜區區私印亦何有凡亡不足亡吾  
存得旣偶然失亦偶奚爲坐此日不樂氣味蕭然如  
中酒題詩最惜空左方開卷還看鈐上首宵分忽忽  
夢見之幾度依稀認環鈕已同絕塞別良朋豈望空  
房還棄婦傳觀何處一春長間道歸來三月後定知  
有意作狡獪爲試心堅如石否按抄倍覺可人情一  
縷雲光照窗牖釵痕流動疑欲活土花斑剝尚如繡  
憶昔荒山人迹稀箐風瘴雨埋瓊玖空隨草木閱歲



月焉知姓氏屬誰某一自攜歸物有主萬里相隨忍  
離手凝脂朝潤持拭面雜組宵明用懸肘未必連城  
價可沽何煩有力負而走大弓寶玉隄下得魯史紀  
之傳不朽陽關解衆詎足論要使後來慎典守古人  
作器無大小往往銘以千載壽亦知金石有銷毀更  
願聲稱共長久但恨文章非相如難付流傳後人口  
清谿書院十景王述庵少寇公命賦

清谿一曲

一碧分湖脈澄波鑑影明濯纓欣所託觀水足怡情

五峯拱翠

開樓延羣峯無用事登涉掩卷夕陰涼春衣染山色  
煙村香靄

背山仍面水坐覺遠塵煩曖曖前村路生煙澹暮痕  
雉堞連雲

鳴蟬噪密林夕陽下危堞念彼城闕子悠悠我心懾  
遠浦雲帆

滄波渺然去一葉曳秋碧倦飛幾時還相依共晨夕  
禮門桃李

月翦輕盈白霞裁爛漫紅飛香上巾卷一笑坐春風  
芸籤小閣

七書補三篋祕典按七錄寄言勤學者勿飽衣魚腹

講院梧陰

晨露清如洗秋陰澹欲流試拈濡義義聞向緯書搜

層樓釋菜

溪毛可以羞曾構一何壯峩峩兩大儒後學勉心向

紺塔凌雲

何年窳堵波闌楯落雲外風吹鈴語聞庶與靜者會

少寇公三泖漁莊圖

東路歸心早南瀕雅尚敦辭榮耽燕喜冥遯異鴻鸞  
志跡雲霄上功名竹帛存古來商隱顯青史幾人尊

山水怡情暇詩書著述親道虛心自遠學邃語皆醇  
海內推耆碩天心眷老臣樵漁勿相狎氣象動星辰  
湯典三禮祥竹泉聽雨圖  
曾於春院曉聞鶯又向空堂夜聽琴不比茅齋叢竹  
裏一宵風雨足秋心

石冷雲孤不可扳琅玕風戛助潺潺幽情絕似雲棲  
寺曲笕通流過屋山

同孫淵如觀察

星衍

段懋堂大令

玉裁

釋菜許

鄭二公祠飲福第一樓作

赤伏兩鉅儒翊孔廓聖軌末學失宗尚漸以乖古始

東南人文藪振興固有埃大雅揚芳徽湖陰肅明祀

祠爲雲臺  
師所建

俎豆緬醇德巾卷集魁士經師得趙商禮

堂闡微旨便便問字編來學析疑似

謂淵如

郎里有功

臣嚴峻未足比

謂懋堂

扁舟吳門來盍戩同仰止登堂

薦蒞藻退燕餽清旨樓前山色蒼樓下水波美酌爵  
相勸酬密坐促深晷千秋詎云遙家法此焉是嗟余  
抱困陋時術遜蛾子邈然思前修飽食良用恥

家恕堂兄

擎

招飲湖上

選勝湖陰地高吟有此樓魚雲涼駐午荷氣澹涵秋

小劫談還恐狂言吐復留

座客言浙  
西水災

悶來爭酒盞醉

倒亦何求

今夕團圓月新秋第一回湖光與雲影上下共徘徊  
清景知無極嚴城幸未催主人眞愛客後約定先來  
是日余至最晚

送馬秀才榮樹歸東陽

落葉西風意灑然小齋數月共周旋平題藝擅陽元  
巧手勢觴催賀監眠悃悃無華疑有道信門先入豈  
無緣不須更探三乘義隨分行藏總是禪

五世團圓共一堂歸參家慶慶方長春風上壽隨諸  
父繡祿縹兒對孟光會看明經如拾芥莫嫌挾策等

亡羊槐黃屈指無多月花麴遲君破戒嘗

許他日以東陽酒見

餉故云

桐竹山堂讀書圖爲吳瓶齋

顯德

賦

吳少宰督

有桐竹山堂諸公子讀書其中今崧圃先生繼爲河督猶子瓶齋二兄感先澤爲圖以記

治河表世系莫如延陵賢峩峩濟水陽裊裊雙旌懸  
東齋贈墨地清香凝百年當時竹馬孫几席重畱連  
繪作讀書圖明發心拳拳河渠與溝洫問君讀何編  
八亡八支後南下勢屢遷地形不可變所恃隄防堅  
洪濤一夕怒魚腹萬姓填頗聞前歲災赤子猶困顛  
疏濬豈無術潰決寧由天賈策及李書議論宏且專

勸君百回讀慎勿一覽捐才地未足誇所貴明德延  
他年秉旄節駿烈光乎前從容奏底績斯堂開賓筵  
治河再作圖可以金石鐫故人誦清風以此乘韋先

汪氏雙節詩爲汪龍莊

輝祖文作

孤凰懷苦心貞鸞相因依鍛翮遭蹇難炳德昭坤儀  
奇艱苟未歷懿燉何由垂煌煌大義村綽楔交光輝  
褒榮自丹闕紫誥揚芳蕤庶幾九泉知一慰生平悲  
天生大孝子以荅兩母慈

母慈報罔極子心寧有終誰能耆老日依然孺慕衷  
徵文遍才彥體製羅織洪蘭芬與檠苦事核詞尤工



會竭百年力不厭千篇豐  
越水清瀾瀾越山高穹窿  
山川有變遷雙節傳無窮

鑑止水齋集卷四

德清許宗彥

詩四

鄭芷畦先生小谷口圖爲陳秀才鑿題

谷口遺構池之濱陳子居之思古人流轉舊圖仍入  
手當時風貌如相親葛龔作奏游已倦袁遺讀書老  
更勤著述未成尤可念丹青倘結後身因

明黃忠節公詩冊

公昔赴試偕侯君

侯岐曾

征途密邇娛斯文晚與銀臺

同殉國草庵片土悲斜曛一家友誼相終始千載科  
名重見聞零縑斷紙世所寶觀者肅拜香三薰奇哉

薄暮奮節義海天半角撈孤雲憑城壯志亦何有戰  
骨狼籍埋秋墳此心耿耿不可沒慘澹遺墨傳英芬  
孤雲薄暮  
奇冊中句

韜光庵

曲磴盤盤上通人竹徑纔斷雲依佛住飛雨送詩來  
後架僧縫衲空軒客畫梅長連牀借臥休作淨名猜  
窗下紅梅盛開

一樹梅花澹澹紅樹頭初日過牆東故將顏色欺殘  
雪作弄芳華媚曉風花意亦嫌人太冷客來何惜酒  
頻中冰心鐵幹分明在桃杏春來那許同

馮鷺亭出示綿津詩鈔五冊首有王文簡公手  
簡末有朱檢討邵處士兩跋漁洋評點最多  
間改竄一二字以諧聲調

開府餘閒愛賦詩尚書傾倒尺書馳定文諒有當時  
約遺橐翻教後世知

聞道金鍼不度人應知交誼老逾真愛從隻字商浮  
切又見休文妙旨新

青門山人長作客小長蘆叟早歸田滄浪亭上春風  
筆半爲新詩作鄭箋

西吳水厄又今年存撫端憑大吏賢不朽固應歸政

事傳公還有賤饑篇

郊外見楊柳口占示延恩

李花千樹茸茸白一片陰雲護晴雪風來雪亂裊春  
煙楊柳一枝青可憐楊柳年年青復青人生一年老  
一年風流當日亦頗爾憔悴後來寧似前東風吹柳  
絲柳絲日夜長柳下游冶子誰家少年郎白日不愛  
惜青春虛自忙天公一旦行肅令千草萬卉凋嚴霜  
冰盤朱實亦已薦空枝廢葉徒感傷莫將此意憐楊  
柳柳老猶堪織作筐

八尺塘看荷花

慶春門外曉風多高映槐榆淺襯莎曲曲芳塘隨處  
有綠雲團簇錦成窠

著花初日故遲遲花豔搖搖不自持寄語看花人早  
出清香最在未開時

日氣烘開露氣香花光吹上水光涼誰調絕代嬌顏  
色畫作屏風面面張

生塵微步想亭亭鏡裏新妝分外明可得將身作流  
水碧天分付與紅情

冉冉清香細細吹風前小立又多時妨他花底鴛鴦  
睡偷眼窺人有所思

碧簫可卷聊供飲寶鏡堪裁莫論光願製秋裳供晚  
歲不然且與障驕陽

六月十日出城看荷花

萬笠搖涼淥水隈尋詩侵曉過城來最憐碧玉堪爲  
鏡誰肯崇霞巧作臺隔浦微雲和月妬傾盤墜露有  
鷗猜芳流若也如人意應惜生紅不放开

蘭舟采采向誰邊空憶年時映翠鈿白鳥避人銜影  
去錦鴛護夢借花憐也愁波澹難爲雨只恐香清易  
化煙脫葉漫歌歡好曲移根已傍玉完天

荷葉團團那不圓荷花灼灼一時鮮淥波生小絲難

割初日猶憐照最先拂袖餘香還昨夢凌波小住又  
前緣炎威格是催歸去一隔蒼烟便惘然

傷荷藕紀南方貢並蒂花傳往代宮徹底不妨心帶  
苦上生畢竟色元空豔歌夢斷橫塘路新調愁添樂  
笑翁若見秋來守紅死可能無意怨西風

蘇文忠公生日項金門墟招集祠下

梅花滿樹綴苔斑夢醒羅浮在此間南斗生還同吏  
部西湖祀合並香山

是日雲臺師命吏  
增建白祠於左

雲頭暖意堆

晴絮酒面春風露翠鬢蘋藻年年期此日詩人故事

許同攀



特松巖

通阿

太守輯東湖志見示奉題簡末

前冬思作天台游夢中雲氣生衣裘今年讀君東湖  
志坐覺烟波豁人意東南二部近荒服不圖有此清  
涼地東湖團團百頃餘曲堤斜跨虹梁虛矯花如面  
倚楊柳淥波作鏡臨芙蓉亭臺往往見遺跡十僅一  
二如其初法安院廢經幢蝕樵夫祠圯神叢疎尋碑  
訪古問故老一一記載因成書湖中游賞亦何有美  
政分明在人口錢陳關鮑世爭傳繼之者誰今太守  
龍祠奕奕湖當中太守來祭牲牢豐精誠能與龍感  
通與民灌溉澍膏雨與民長養噓和風和風遙從海

上回海氛淨掃無塵埃樓船戈船甲耀日妖魚惡浪  
齊崩摧政清無事還一至兒童拍手父老喜天然圖  
畫娛我侯三面山光一面水會須蠟屐凌天台然後  
却問東湖來湖上花開春色早太守風流春更好流  
杯浣月細登臨先爲題詩寄芳草

吳山延慶道院晚眺

石磴丹房熟往還瘦筇扶我躡苔斑疏窗正對西興  
口夕照猶銜高樹間江與青天爭入海僧隨飛鳥共  
歸山一聲清磬來何處能使塵心坐自閒

將進酒

主人請安坐聽歌將進酒今日盡君歡莫虛杯在手  
青天晝夜馳雙丸萬古西逝無東還人生一老那得  
少擲鑷空嘆顛毛班悠悠誰是百年者百年況又歡  
娛寡老去迴思作健時虛負花枝紅姪姹避人旣非  
王君公著書大類江交通昏昏何異蝨處禪擾擾直  
似蟻營封形骸甘隨市俗化聰明苦被書史蒙伸公  
眉頭更何日猛虎急縛誰肯鬆紅樓窈窕十二重美  
人貌與蓮花同左鋌右鋌舞盡妙中序散序聲尤工  
肌香一點暗浮動頽然四坐醉春風長檠高張投明  
瓊擲梟塔禿分雌雄袒衣探帽且快意遑問升斗牀

頭空宜城若下酒最醞羊淹雞寒味不厭微颺吹花  
浮酒面美景天公不汝欠君不見南山伐石書官勳  
北山無地營邱墳父書散亂子孫笑卷付蟬魚充食  
料古來達人見事早直須痛飲忘昏曉

題胡某采藥圖

白雲生空山幽人自孤往意不在長年聊以寄遐想  
千載麻母芝聞名不相委信手采藍中持問抱朴子  
神山五百年石髓時一出慎勿攜嵇生仙人愛沈實  
梅花下延案吟曰一樹梅花發遂續成之

一樹梅花發清香不易聞庭空留澹月溪冷閣閒雲

瘦影自相照孤標那得羣只應林處士坐對亦欣欣  
正月十六夜夢送平叔北行作詩四句醒後枕  
上復作起結四語足之

夢中相與別心送子成行小舫燈微炷平江水暗盈  
關情有離合吾道豈科名夢醒難爲辨悠悠惜遠征

春陰

濕雲低壓畫檐前細雨飄風散作烟一樹桃花深淺  
色春陰似妬復如憐

將往無錫先寄平叔

水行二月末郊原多華滋細雨變朝旭輕陰蔽春涯

柳碧嬌靜止桃紅明遠坻翫芳目所悅落實心彌思  
勞者感鳴鳥騷人咏江籬良友如明月何當久睽離  
烟波十舍近契闊五年期庶幾生平懷傾寫逮此時  
無錫與孫三別

莫問前期事冥飛且信風青袍仍舊服梅雨此江東  
孫子六年別歸程一月同逝將分手去何以作吾慵  
題孫備之醉墨圖

中聖還將草聖傳酒痕灑作墨痕圓醉鄉萬事從他  
掃有旭之心未是顛

酒氣蟠胸未肯降晴窗飛舞墨雲香若教蕭姥評書

格定仞三河年少郎

欵斜落筆體尤奇誰道誠懸語可師酒戶論書臣第  
一天然放縱孔琳之

汪甥問樵

初

招飲山塘口占

山塘十里水回浴宛轉橋通小舫便得氣桃花香欲  
醉春風吹出酒人天

寒食纔過交上已風光着眼何鮮新雙飛蘭槳雙飛  
蟻只合船名喚蕩春

虎邱寺外暮烟橫畫舫珠簾緩出城來看濛濛樓閣  
影吳兒好事可憐生

仰蘇懷杜總名樓未許風光俗眼收  
領略詩人身後福蘇州祠宇接杭州

千載王康有替人琵琶一曲盡知名  
我來不見曹綱

手坐聽風簷鏗馬聲

蘇伎寧福琵琶負盛名

夷鄭容華誇絕代枚鄒詞賦逞驚才  
若爲一片生公石也向蘇臺占籍來

弄筆牽衣玉不如阿端生小愛詩書

阿端問樵小妹七歲能詩與問

樵室人及姊紉青

有春夜聯吟集一家韻事添閨閣  
可是前身宋若

虛

天中節物圖



三尺生綃滑笏一叢花果青紅剛是浴蘭時節屏風  
香影瓊瓏

丈室花開蒼荀晴窗帖展來禽坐覺甘漿沁齒頗思  
買夏成林

檀暈重重欲活霞痕翦翦初高記得選哥麗句矇矓  
日照天袍

月夜偶作

天風拂炎暑夜氣淨於水明月帶海色飛來廣除裏  
闌干亞迴環河漢斜灑迤樹古翠垂葆星稀玉懸李  
灼灼葉露光搖風萬螢起覽物遂悠然人間境斯美

出雲棲繇梅塢上郎當嶺石棧危峻下至天竺  
過石人嶺入花塢訪智敏上人不遇

朝旦雨忽晴泉聲如送客夢辭黃面師心慙白雲迹  
學道諒寡悟觸境欣多獲密竹遮迴蹊數里同一碧  
徑轉稍就平田塍紛刻畫炊烟起孤村人家傍巖隙  
緣嶺復上嶺觸石還倚石望望峰逾高盤盤路且窄  
左臨無底壑右據削立壁雷鳴四山應噴瀑與面逆  
天風戛楓杉清音奏琴篴螺旋纒一綫積磴凡千尺  
層巔一以眺萬嶂生肘腋錢江縈若帶越山低可蹠  
蒸雲滃然上勢欲浮雙鳥小憇神未怡下山步履迫

傾崖滑莓苔微命倘輕擲巍峩睹香刹安心得眞宅  
前行石嶺道翻覺平如陌逶迤入澗谷禪室在深寂  
渡人略約便臨機法檀惜蒲團竟日閒何處畱瓶錫  
鳥飛山翠寒花謝樹陰積此意復誰知頽陽黯將夕

舟行

拱宸橋外路曠蕩有餘清遠岸連雲樹輕陰雜雨晴  
鳥聲村外樂帆影水中明獨有平江上渾忘去住情  
同人集蘇文忠秦淮海祠下奉懷阮雲臺師

曾此旌幢奉後塵梅花又報隔年春湖山祠祀同今  
日師友淵源感昔人殘臘風高雲自迴峭寒衣冷酒

宜頻素冠望望雷塘路珍重眉山最後身

潘德園

庭筠

侍御輓詩

早列朝榮趨禁近晚耽禪悅慕伽陀宰官身現堯  
無易及第心空舜若多賸有諸生思俎豆可堪後進  
感山阿應知筍去還成竹雲在青天水在河

次韻奉呈少寇公

原詩自序失明已久靜  
坐時忽睹白光滿室

見刺應知拔最難不妨智眼却依前額中珠在光難  
隱根外塵空妙入元丹鼎火銷銅暈盡瓊臺水涌月  
輪圓曾聞天樂誇昭德靜裏工夫信有然

暴雨學楊誠齋體

一院聲如萬衆呼擺頭搖尾樹株株橫驅大陣從空  
至直使炎威掃地無雨過風來涼滿面天高雲白水  
平湖北窗嬾臥應相妬火迫催詩嚇老夫

阿定注夏

阿定粗知字扶牀立始齊如何雛鳳俊翻作夜烏啼  
骨嫩那能音耐暑形羸欲問卜嫫媿頻喚問不睡苦

山妻

丙寅季冬五日

怪底西風徹夜狂照窗月色冷于霜開門試望雲高  
處一點寒芒入斗筐

嶽降元多宿世因神仙晦迹豈全真  
鄴侯家傳他年在更乞溫公仔細論

平泉只是愛珍奇無數名花判入時  
今日春風江海去紛紅鬪豔有誰知

卷施已是無心草那向東君更感恩  
底事也驚秋信早中宵清露有啼痕

梅落

梅英亦已落香滿一池水獨立春風前  
含情欲誰俟奉題胡以莊編修敬崇雅堂詩鈔  
卽送編修北

上兼寄孫三

爾準

馬大

瑞辰

用空同送昌穀

長句韻

湖山秀無極精氣爲高文高文蘊靈秀舒卷如春雲  
世上作者今幾人誇新鬪巧徒紛紛蘭陵未免飾面  
具韓生失笑加冠紳太史生長湖山陰早傳詞賦邁  
等倫禹碑萬言一掃成道衡老子不足珍歌詩往往  
吐金石斟酌人巧和天鈞春官試士一萬人昆山片  
玉 天陞陳先師文正嘆不已文章遇合如有神姓  
名一日動海內莼鱸暫憶歸湖濱學成宦達衆爭羨  
相望奚翅牛毛麀次復年華未強立風襟瀟灑仙中  
人明妝玉女儼相待天台重到花繁津太史假憶昨

太史假

婦續娶

論交十年久，隔巷來往情。彌真干霄早，辨雄劒氣抱。  
樹自笑枯蟬，身筆陣奔北。墨海涸心井，虛暗衝秋塵。  
忽驚妙境炫，衰眼澄波澹。沱山嶙峋陰，何自識用心。  
苦沈宋未許，低眉伸盱眙。近代商勝劣，新城宣城德。  
與鄰大儒嘆，賞定不偶斯。文力欲回雅，馴同年少俊。  
孫與馬一時，氣象交鮮新。飛沈異勢出，處左使我北。  
望含悽辛，黼黻景慶公。等在瑤葩瓊樹天，家春軟塵。  
各各馳征輪，螭坳並集鷓鴣羣。春明多暇盛，唱和受。  
以笙磬音同，均湖山回首雁南。遣倘使故人時，一聞。  
應念山中伴，猿鶴遙瞻天上騁。騏驎。



何春渚琪小人居圖

北郭詩人何小山地偏心遠鬢毛斑江湖千里倦游  
屐風雨一編深掩關句法曾從前輩受高名未許近  
人攀把君行看吟君藁使我置身唐宋間

題李

棠詩卷

凍雨窓深翦燭遲愛君五字費吟思幽情彷彿西溪  
路雪後梅花見一枝

徐固山觀書圖

秋舫晝靜牙旗肅生香炙鼎團茶熟細柳營中花滿  
林將軍牀上書連屋隱囊坐倚屏山綠反覆一編看

不足問君不學博士邊那必五經笥在腹問君不學  
說士蘇那必陰符發篋讀奉公勤國穎陽侯壺矢雍  
容真遠俗陣法蟠胸五十家湖光悅眼三千牘會聞  
高議紀雲臺儒將風流古人續

吳江族叔下世已久質生弟頃來杭州始得相  
見兼示詩集喜而有贈

展卷臨窗倦眼開吾宗喜見賦詩才七言一字非常  
語三月雙溪肯獨來每念竹林樽酒遠不應井里壁  
光埋青袍莫漫嗟寥落健翼秋風著意培

鑑止水齋賞牡丹分韻得七陽

暇日宜良會名花殿眾芳低嫌風色重濃抱露華香  
小飲加申刻吟詩爲樂方主賓沈醉後誰似謫仙狂

待雨

自此至擬孟東野  
閩帖並消夏集詩

暑氣亦已甚輕雷忽送秋雲陰來樹角風意入簾鉤  
涼思在空闊煩襟尚鬱幽誰催赤松子倒瀉浙江流

胡敬書農

林外已聞鳩疏簾半上鉤遙山先墮月涼簟早生  
秋雲影催成句風聲聽滿樓扁舟江上客分付片  
帆收

獨坐

終朝何兀兀獨坐對明窗身世偶此適心情早自降  
繩牀誰問管桑下或逢龐蒼莽乾坤闊孤雲未許雙  
新浴  
暑重如添垢膩衣白鷗喚我浴汗碯一湯別賜誰承  
寵七淨觀身且會機便覺肌膚消疹粟始知絺綌自  
纖微暫梳髻子風前立玉骨峻嶒亦勝肥

許乃濟

青士

香煎荳蔻篆煙霏錯把凌波認洛妃玉押敲風猶  
隔幔春羅疊雪未妨衣關情自解調寒暖顧影何  
心問瘦肥最是閒階人獨立流螢如雨撲簾飛

葛嶺

平陂西去接崔嵬策杖閒尋石磴來一曲湖光沈翠  
靄千年雲氣抱丹臺仙翁合共逋翁隱後樂何如獨  
樂才凋老苔荒吟思澀背崖幾點野花開

姚 樟 笙華

俯瞰孤山曲水隈滄雲遙接舊蓬萊煙霞嘯傲神  
仙福風月平章宰相才石室苔侵丹竈冷虛堂秋  
近候蟲哀故宮一櫬疎槐落付與紅羊換劫灰

擬唐人塞上曲

從軍橫絕幕雪嶺倚嶢嶢大旆秋風卷孤營落日銜

刀瘢枯草塞箭血怪鳥鶻辛苦關西將仍煩敕使監

懷汪選樓

家禧

楓涇

楓涇三百里之子旅人留孤館此良夜獨吟生遠愁  
空巖蘭芷秀驚雁稻梁謀近亦耽元理思乘不繫舟

胡敬

頻年分手覺依依歎息勞薪計共非一舸琴書君  
獨往萬山烟翠我初歸箋疎寄遠真成嬾亭借招  
涼暫息機遙憶月明應不寐藕花深處掩重扉

詩牌

酒邊忘子墨削桺供唵哦縱費安排巧其如詰屈何

舉棋曾未定集腋或同科誰似甘興霸能令百騎多

小游仙

扶桑雲氣接崆峒金母何年配木公咫尺靈光自來  
去不知人世有西東

上界仙曹治事忙等閒無復憶文章新宮月圃初成  
日更喚人間協律郎

銀竈封泥幾作灰姓名猶未注丹臺不因暫到梯仙  
國那得通天玉鑰來

雲在空巖鶴在林塵中萬慮不關心如何酒債翻多  
有自採丹沙鍊汞金

水邊松下夕陽斜  
縹緲靈光駐鶴車  
最是神仙愛年  
少長教顏色似桃花

紫府琳宮森寶書  
龍章鳳篆定何如  
嵇康未有神仙  
骨食字翻教讓蝨魚

薛逢暫到天蒼洞  
白傅猶閒海上  
盦草聖生平曾夢

去參天石筍一泉甘

山舟學士平生無夢惟于乾隆某年夜睡中覺步出艮山門行

十許里渡小溪山境幽邃石筍林立路側有一亭亭有碑篆書敬善泉三字更進境愈幽邃循前徑返亭上有人相視而笑復渡溪入城至家而寤海談此夢不知敬善泉在何處也

自向崑山種玉禾  
青精飯飽不知佗  
樊桐大是逃名  
地洞府年深長薜蘿



白雲千載鎖空山只有靈妃得往還不爲劉郎有仙  
分桃花容易到人間

鄰家太尉領仙卿榻外塵封眼倦撐閒殺洞天無一  
事祇愁睡損老先生

瑤階小立罷晨妝自摘琪花餒鳳凰一自蕭郎塵世  
去教人懶著紫霞裳

一角空山咒旱灾五通自在役雲雷不因歡喜丸貪  
喫那得佳人騎項來

幾生辛苦學求僊未讀天曹雜律篇見說尚衣盧二  
舅朝來謫向鬱單天

良宵無事約黃姑。賭取青龍戲作符。瑤闕高高先見  
月。侍兒摘下夜明珠。

藍橋一步是仙鄉。不比蓬山路渺茫。要擣元霜持底  
用。却將辛苦誤裴郎。

雞頭

不鳴烹亦得。汎汎笑鷗鳧。細剖一重甲。平量十斛珠。  
撩波割深蔓。晚飯佐香菰。品以芳鮮貴。休教比塞酥。  
賦得何處堪消暑。

何處堪消暑。神仙白玉壇。蛟龍當戶冷。星斗入簾寒。  
衣薄五銖碧。蓮敷萬粒丹。拍肩共遊戲。四面海雲寬。

何處堪消暑幽巖千仞懸白雲含宿潤老樹拂涼煙  
其上一輪月飛空百道泉良宵攜我友坐石共談元

屠

倬

琴塢

何處堪消暑空山一草庵欵門無熱客揮塵有清  
談月白江聲小風高雨氣酣靜中觀化了一指許

同參

何處堪消暑歌筵酒半醒碧筒斟細細紅袖立亭  
亭豔曲翻金縷雲鬟壓素馨晚涼新浴好悄語侍  
兒聽

何處堪消暑郵亭憩夕陽當風墮圓笠飲馬立垂

楊憐我亦爲客去年非故鄉歸來但高臥終愛北  
窗涼

何處堪消暑揮毫落剡藤水疑三峽瀉墨似亂雲  
蒸解此臥游理蕭然秋思增迷離京口雨海岳是  
傳燈

許乃普 經厓

何處堪消暑芙蓉自在香人來煙月裏家住水雲  
鄉贈佩懷前夢開簾倚晚涼田田誰唱得祇解覆  
鴛央

何處堪消暑揚帆下洞庭雲低飛薄雨天遠浴疎

星一水可憐碧  
兩山相對青  
舵樓閒徙倚  
把酒問

湘靈

立秋苦熱用韓孟秋雨聯句韻

風起迎新秋

姚禕

文酒此高會  
盍簪廣除間

許乃普

薄暝眾芳藹  
洽素脫拘牽

屠倬

感序冀蘇秦  
開樽挹

流泉

許乃濟

高論決幽瀨  
勃窣推張憑

宗彥

清疎有

王大勸酬筒  
卷荷

胡敬

醜秘繩蕪艾  
商飈不可招

禕

晚熱頗無奈  
大辰行過中

乃普

西御方指兌  
蟠林勢

轉橫

倬

鑠金力猶汰  
鞭癡匿海底

乃濟

嘯猛遺谷外

陶輪柅轉側

宗彥

虞軫散噫噓  
披嫌葛衫重

敬

浴快

蘭湯鵲嚼瓜暫沁爽樟 沃水終滯沛白藏避炎威乃

普 林鐘應虛籟蒲筵倦交揮倬 冰獸懲過忤陰樹道

多暘乃濟 宛虹氣如帶高田龜殼坼宗彥 早稻聲牙

害圭璧走虞衡敬 牲帛及川澮大雲梵咒仗樟 飛篆

道術賴器蓋徒喧囂乃普 衣帔復萃蔡絃希師曠操

倬 酒幻欒巴酹枯憂魚索肆乃濟 逃類鳥翳薈晚赭

閃倏眴宗彥 驕震失矜礚神昏響鬥蟻敬 日眇影搖

貝吾徒拋巾卷樟 疲俗窘倉廩欲回天公慳乃普 願

從蓐收丐遠資傅相霖倬 近隨鄭公軟倒生獲昭蘇

乃濟 嘉瑞勝鳴翮微滄生簞席宗彥 熱客謝冠蓋秋

心澹屈宋

敬

好音懷邛檜壇建周麾弧

樟

筆整還轅

旆擊鉢嫺餘韻

乃普

據梧拂輕靄遐想寄沆寥

倬煩

襟滌塵壒一語脫臼科

乃濟

衆口爭炙膾清言不厭

多

宗彥

賞奇誰殿最飲狂醉欲眠

敬

思苦澀難沛忽

聞銀箭聲

樟

失喜甘澍霑西風一夕涼

乃普

無憂旱

既太

倬

### 擬李供奉金陵鳳凰臺置酒

置酒臨高臺落日銜三山六代一斜照滄江萬古閒  
今我胡不樂金尊照塵顏鳳凰千仞翔丹穴何由攀  
愁心如野草極望不可刪浮雲向空去倦鳥投林還

晨朝窺清鏡，緇鬢忽已斑。男兒商置身，惟有糟邱間。

擬駱丞軍中行路難

君不見漢家天子重邊功，樓船蒲類爭豪雄。已擁輪  
車過漠北，還裝巨艦渡遼東。將軍玉帳傳三略，壯士  
瑠戈習五戎。陣裏龍蛇初教戰，手中霹靂自生風。東  
西萬里頻行役，鐵衣著體何曾釋。不知塞草長，創瘢  
祇覺寒冰傷馬骨。和龍城下望征雲，碎葉川頭見新  
月。新月彎彎照大營，營門鼓角雜悲聲。前鋒傳壘能  
挑戰，候騎中宵解捉生。捉生挑戰軍威壯，名王遠遁  
空牙帳。會須兵力窮，人間誰道河源出。天上昨夜西



來雁陣寒秋風應自到長安拋擲年光不堪惜惆悵  
紅顏今已殘緘回尺素刀頭寫寄到寒衣馬上看行  
路難行路難勸君莫作虎頭班雄心老去還銷歇但  
願生入玉門關

擬李義山鏡檻

鏡檻棲釵燕屏山掩髻螺牽情拂絲柳圓夢長么荷  
碧玉年方小明珠斛未多巧傳天上舞妙解郢中歌  
歡處花成幄春來鳳作窠檀輕嬌膩纈桃淺笑生渦  
拊扇思張敞褰裙問李波無因逢解佩隨分拚投梭  
隔巷嚴鐘斷斜街細馬馱雲疑移別岫橋似接長河

薄暑融香粟新蟾妬翠蛾藏鈎心暗警罷酒臉微酡  
半燄低帷繡雙紋隱褥羅清砧流韻急錦瑟轉絃和  
玉井疎桐墜銀壺漏箭蓮巫峰歸去後一賦已蹉跎  
擬王右丞飯覆釜山僧

淨侶惠然來烹蔬具朝飧緇素雖異流白業夙所敦  
坐對消永夕意到遂忘言好鳥喚春風雜花生南園  
卽物契空假誰能逐塵喧晚悟至人語始知此心尊  
瓶錫緩緩歸相送月在門

擬孟東野聞砧

羈人怨夜長況復聞清砧急杵擣離思哀響攢秋心

他鄉各明月故衣難掩襟誰能塞兩耳滿與濁醪斟

許乃濟

新寒昨夕至戶戶傳哀砧秋風一萬里送入游子  
心不怨軍門笳不悲關塞笛如何枕戈者淚滿征  
衫滴

寄書書不達寄衣衣欲裂誰將一片聲敲落千山  
月欲知聲中悲請看指上血血指猶可澣奈此雙  
鬢雪